

之列至為未便請逝傳曰南世健鄭惟善其趨附世昌之事予未得知

也近步臺諫侍從之人不須逆之○辛卯憲府啟前事不允○憲府以

兎山縣監沈佑世於國喪卒哭內京妓秋江月衙內率畜終行淫瀆推

考錄案○夜東方有氣如火○甲午遣奉旨沈彥慶別祭于孝惠公主

○日暈○以金希說為司憲府掌令○乙未上詣孝敬殿親行晝茶

禮仍行夕上食○丙申黃海道延安府境有地火延安府界茶井里中

始廣百餘尺長二百步許地中大生延燒因氣上蒸熱如溫煖足不能履

掘而視之其色如炭如灰吹之則大焰輒熾俗可一尺許其里古老人

曰此地乃居民秀孫水田也年年水流失去壬申年九月間連

燒翌年五月歲大至前年十一月復大云此乃○丁酉三

公啓曰近日旱災已甚故前者已啓而今又來啓似為煩瀆然今見日

候無復雨徵百姓艱苦流離道路兩麥皆槁飢者相望自前年五六月

旱災已極非徒禾穀盡焦大木亦皆枯死如此災變古所無也今聞延

安府境內地火亦出恠異之變甚多此必有失當之事也反覆思之臣

等無狀不能調燮之故也刑獄之事所當留念前日有如此之事則令該

司詳察而今則不聞如此之事大抵近日之事與臣等之意多有異同在

職未安請速適臣等之職傳曰近來旱災非常變異亦多欲見卿等謹

求弭災之方為緣感寒未能也前日則災變雖不至此避殿減膳矣然